



ATASSUT

UPA15/40-1

Siverth K. Heilmann

30.04.15

Innuttaasut pisariaqartitsilernermi ukioq kaajallallugu kigutigissaasoqarfiunngitsuni najugaqartut tassanngaannartumik suliaritittariaqartut isumagineqarfissaminnut qaninnermut angalanissaminnut akiliutissaannik ikiorserneqarsinnaaqullugit Peqqinnissaqarfiup sullissineri il.il. pillugit Inatsisartut peqqussutaata nr. 15-ip, 6. November 1997-imeersup allanngortinnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaq Juliane Henningsen, Inuit Ataqatigiit)

ATASSUT-miit siunnersuuteqartoq qutsavigaarput.

Sinerissami innuttaasut pingaartumik nunaqarfinni, isorliunerusunilu pisariaqartumik tassanngaannartumillu kigutileritinnissamik pisariaqartitsilersillugit pinasuartumik illoqarfimmut qaninnermut kigutileritikkiartorlutik angalanermi aningaasartuutit taamaaqataallu taarsiivigineqarsinnaanerannik siunnersuummut tunngatillugu, pingaaruteqarpoq maluginiassallugu, paasisutissat uani siunnersuummut attuumassuteqarluinnartut pigineqannginnerat immikkut maluginiagassaammat, taamaattumillu aamma siunnersuut pillugu nammineq ilisimasat kisiisa aallaavigalugit uani Atassut-miit oqaaseqassagatta.

ATASSUT-miillu ilisimavarput susassaqarfiup tungaani pitsanngorsaaneq ingerlanneqartoq, pingaartumik digital-mik qinnguartaaneq eqqarsaatigalugu, soorlu aamma Naalakkersuisup akissuteqarnermini tamanna ersersikkaa, qularnanngilarlu sullissineri pitsanngorsaataalluassasoq. Aammattaaq Naalakkersuisup akissuteqarnermini ersarissarpaa, ajornartorsiut ullumikkut naammassineqareersoq, annerpaartaa, tassalu peqqinnissaqarfiup angalaneq nalilersuinerit pisariaqartut pereernerini akilertaraa.

ATASSUT-miit aamma kaammattuutit apuukkusupparput, pingaartumik inuttut ataasiakkaatut pisariaqaleraluttuinnartuq, kiffartuussinerit assigiinngitsut immitsinnut ataasiakkaatut, ilaqutariittullu tunngasut sillimmasernikkut pisinnaagatsigit, immaqalu aamma tamannaasoq



ATASSUT INATSIARTUNI

inuiaqatigiinni annerusumik atugassarput, tassuunakkut inuttut ataasiakkaatut nammineq
pisariaqartitatsinnut naapertuuttut amerlasuut aamma angusinnaallugit.

Taamatut oqaaseqarluta siunnersuut ilalinngilarput.